

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

5/2002

16.05.2002.godine

SLUŽBENI GLASNIK IZDAJE:

Služba Općinskog vijeća, Općinskog
načelnika i službi za upravu

ODGOVORNI UREDNIK:

Hajrudin Katardžić, dipl.pravnik

I – AKTI OPĆINSKOG VIJEĆA

Na osnovu člana 55.i 58. Statuta općine Zavidovići («Službeni glasnik općine Zavidovići», broj 3/2002 – PREČIŠĆENI TEKST), Općinsko vijeće Zavidovići na 29. sjednici od 15.5.2002.godine, donijelo je

O D L U K U

**o izmjeni i dopuni Odluke o osnovama i načinu isplate naknada i drugih primanja vijećnika i drugih radnih tijela Općinskog vijeća
Z a v i d o v i ć i**

Član 1.

U Odluci o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići («Službeni glasnik općine Zavidovići», broj 6/98 – Prečišćeni tekst), iza člana 9. dodaje se novi član 9a, koji glasi:

«Član 9a.

Članovima Općinske izborne komisije (u daljem tekstu: Komisija) za rad u Komisiji pripada mjesečna naknada u iznosu od 100,00 KM, a predsjedniku Komisije pripada mjesečna naknada u iznosu od 150,00 KM».

Član 2.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići», a primjenjuje se od 20.4.2002.godine do dana kada budu objavljeni konačni rezultati općih izbora u BiH.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-14-1012
Datum, 15.5.2002.godine

Fuad Berberović, s.r.

Na osnovu člana 8. Zakona o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine («Službene novine FBiH», broj 26/96) i člana 55. i 58. Statuta općine Zavidovići («Službeni glasnik općine Zavidovići», broj 3/2002 – PREČIŠĆENI TEKST), Općinsko vijeće Zavidovići na 29. sjednici od 15.5.2002. godine, donijelo je

O D L U K U

o izmjenama i dopunama Odluke o općinskim administrativnim taksama

Član 1.

U Odluci o općinskim administrativnim taksama («Službeni glasnik općine Zavidovići», broj 7/98, 7/99, 8/2000 i 7/2001) u članu 11. tačka 3. mijenja se i glasi:

«3. građani u postupku za ostvarivanje prava po osnovu radnog odnosa i ostvarivanja aktivnog i pasivnog biračkog prava».

Član 2.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

Član 3.

Ovlašćuje se Komisija za statut i propise da uradi prečišćeni tekst Odluke o općinskim administrativnim taksama.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-49-1011
Datum, 15.5.2002.godine

Fuad Berberović, s.r.

- 128 -

Na osnovu člana 15. stav 2. Odluke o utvrđivanju komunalne naknade za finansiranje komunalne djelatnosti zajedničke potrošnje u općini Zavidovići ("Službeni glasnik općine Zavidovići broj 4/2002) i člana 55. Statuta Općine Zavidovići ("Službeni glasnik općine Zavidovići" broj 3/2002-PREČIŠĆENI TEKST), Općinsko vijeće Zavidovići na 29.sjednici održanoj 15.5.2002.godine, d o n i j e l o j e

O D L U K U

**o davanju saglasnosti na zaključak Općinskog načelnika
o utvrđivanju vrijednosti boda za finansiranje komunalne
djelatnosti zajedničke potrošnje**

Član 1.

Daje se saglasnost na Zaključak Općinskog načelnika broj 01/1-14-1109 od 25.04.2002. godine o utvrđivanju vrijednosti boda za finansiranje komunalne djelatnosti zajedničke potrošnje.

Član 2.

Odluka stupa na snagu danom donošenja a objavit će se u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-14-1110
Dana, 15.5.2002. godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 15. Odluke o utvrđivanju komunalne naknade za finansiranje komunalne djelatnosti zajedničke potrošnje u općini Zavidovići ("Službeni glasnik općine Zavidovići broj 4/2002) i člana 65. Statuta Općine Zavidovići ("Službeni glasnik općine Zavidovići" broj 3/2002-PREČIŠĆENI TEKST), Općinski načelnik Zavidovići, donio je

ZAKLJUČAK

I

Vrijednost boda na osnovu kojeg se utvrđuje visina komunalne naknade za finansiranje komunalnih djelatnosti zajedničke potrošnje u općini Zavidovići, utvrđuje se u iznosu:

- za sve vrste prostora 0,002 KM

II

Stupanjem na snagu ovog zaključka prestaje da važi zaključak Općinskog načelnika broj 01-321-121 od 22.07.1998.godine.

III

Zaključak stupa na snagu danom davanja saglasnosti od strane Općinskog vijeća Zavidovići, a naknadno će biti objavljen u «Službenom glasniku općine Zavidovići».

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

ZAMJENJUJE
OPĆINSKOG NAČELNIKA

Šemsudin Starčević, prof., s.r.

Broj: 01/1-14-109

Datum, 25.04.2002.godine

Na osnovu člana 37. stav 1. Zakona o lokalnoj samoupravi («Službene novine ZE-DO kantona», broj 13/98) i člana 55. Statuta općine Zavidovići («Službeni glasnik općine Zavidovići», broj 3/2002-PREČIŠĆENI TEKST), Općinsko vijeće Zavidovići na 29. sjednici održanoj 15.5.2002.godine, donijelo je

O D L U K U

o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići

Član 1.

U Odluci o osnivanju, organizaciji i funkcionisanju mjesnih zajednica na području općine Zavidovići («Službeni glasnik općine Zavidovići», broj 5/99, 2/2001 i 11/2001), u članu 2. stav 2. redni broj 3. briše se, a pod rednim brojem 19. dodaju se riječi: «Mjesna zajednica Dolac».

Član 2.

U članu 3. u stavu 2. naseljena mjesta: «Debelo Brdo, Vrbica I, Vrbica II, Donji Lug, Gornji Lug i Brankovići», brišu se.

Član 3.

U članu 6. u tački 2. iza riječi «Rujnica», riječ «i» se briše, a umjesto nje se stavlja zarez, a iza riječi «Mećevići», dodaju se riječi : «i Dolac».

Član 4.

Član 7. se briše.

Član 5.

Član 8. se briše.

Član 6.

U članu 10. u tački 3. završni tekst zadnje rečenice mijenja se i glasi: «Dalje granica Mjesne zajednice «Klek», rijekom Bosnom odvaja ovu Mjesnu zajednicu od Mjesne zajednice «Branioci grada» i općine Žepče».

Član 7.

U članu 17. nazivi naseljenih mjesta: «Dolac i Donja Blizna», brišu se.

- 131 -

Član 8.

U članu 18. stav 2., tačka 2. briše se tekst, a novi tekst glasi:

«Granica Mjesne zajednice Rujnica prema Mjesnoj zajednici Dolina od Šabina potoka do Sajlovog potoka čini rijeka Bosna.

Od Sajlovog potoka granica ide prema brdu Vis i Trešnjicama, a odatle pobrđem ide do Rujničke rijeke kod «Velike okrete», od «Velike okrete» penje se na «Veliku stražbu» odakle uz proplanak «Šume» ispod Majdana ide do Jezera gdje izlazi na granicu sa općinom Maglaj, što čini granicu Mjesne zajednice «Rujnica» sa Mjesnom zajednicom «Dolac».

Član 9.

U članu 31. naseljeno mjesto: «Gornja Lovnica», briše se.

Član 10.

Iza člana 32. dodaju se novi članovi 32.a. i 32.b.

«Član 32.a.

Mjesna zajednica Dolac obuhvata naselja Dolac i Blizna.

Član 32.b.

Granice Mjesne zajednice Dolac prema Mjesnoj zajednici Rujnica opisane su u članu 18.

Granica Mjesne zajednice Dolac sa Mjesnom zajednicom Dolina-Alići je korito rijeke Bosne do granice sa općinom Maglaj, a administrativna granica općine Zavidovići i Maglaj je ujedno i granica Mjesne zajednice Dolac».

Član 11.

U članu 33. pod rednim brojem 19. dodaje se tekst: «Za Mjesnu zajednicu «Dolac» u Domu u Docu».

Član 12.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

Član 14.

Ovlašćuje se Komisija za propise i statut da sačini prečišćeni tekst Odluke o osnivanju, organizaciji i funkcionisanju mjesnih zajednica na području općine Zavidovići.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-02-796
Datum, 15.5.2002.godine

Fuad Berberović, s.r.

Na osnovu člana 3. Zakona o cestama Federacije Bosne i Hercegovine ("Službene novine F BiH", broj 6/2002) i člana 55. Statuta općine Zavidovići ("Službeni glasnik općine Zavidovići", broj 3/2002-prečišćeni tekst), Općinsko vijeće Zavidovići, na 29.sjednici održanoj 15.5.2002.godine **d o n i j e l o j e**

ODLUKU

o nekategorisanim cestama

I - OPŠTE ODREDBE

Član 1.

Ovom odlukom se utvrđuje korištenje, održavanja, zaštita, rekonstrukcija i izgradnja kao i poslovi nadzora na nekategorisanim cestama.

Član 2.

Nekategorisana cesta je površina koja se koristi za saobraćaj po ma kom osnovu i koja je dostupna većem broju raznih korisnika, izuzev magistralnih, regionalnih i lokalnih cesta i ulica u naseljima.

Član 3.

Nekategorisana cesta je evidentirana i uplanjena u katastru nekretnina kao javni put u državnoj svojini.

Član 4.

Svaka novoizgrađena cesta može postati nekategorisana, što se utvrđuje odobrenjem za građenje i rješenjem nadležnog organa za rješavanje imovinsko-pravnih odnosa.

Član 5.

O namjeni dijelova nekategorisane ceste, koja nakon izgradnje ili rekonstrukcije ne pripada novoj trasi, odlučuje Općinsko vijeće na prijedlog nadležnog organa za rješavanje imovinsko-pravnih odnosa i mišljenje nadležnog organa za puteve.

Član 6.

Na nekategorisanim cestama se ne mogu sticati imovinska prava izuzev služnosti, samo za postavljanje cjevovoda, vodovoda i kablova bez ugrožavanja, ometanja saobraćaja i stabilnosti ceste.

Član 7.

Obezbjeđenje materijalnih i drugih uslova za održavanje, zaštitu i upravljanje nekategorisanim cestama vrši nadležni općinski organ.

Član 8.

Općinsko vijeće može formirati posebnu direkciju ili fond ili prenošenje ovlasti na zakonom utvrđeno pravno lice, čiji će obim biti utvrđen odlukom vijeća.

II - IZGRADNJA I REKONSTRUKCIJA

Član 9.

Izgradnja novih nekategorisanih cesta, i rekonstrukcija postojećih vrši se na osnovu odobrenja za građenje.

Član 10.

Zahtjev za odobrenje za građenje i druge saglasnosti podnosi mjesna zajednica na čijoj teritoriji je locirana cesta.

U slučaju kada je cesta locirana na dvije ili više mjesnih zajednica, pismenim međusobnim dogovorom se utvrđuje nosilac odobrenja za građenje ili da svaka mjesna zajednica bude investitor za svoj dio ceste.

Odobrenje za građenje i rekonstrukciju nekategorisane ceste može nositi i općinski organ nadležan za ceste i poslove saobraćaja, odnosno pravno lice iz člana 8.ove odluke.

Član 11.

Novoizgrađena nekategorisana cesta može biti uplanjena u katastru nekretnina kao DR SV po dobijanju odobrenja za upotrebu iste.

Član 12.

Projekat, na osnovu kojeg se izdaje odobrenje za građenje mora da sadrži poseban prilog za koju vrstu saobraćaja je projektovan te mjere iz saobraćajnih propisa za obezbjeđenje istog.

Nekategorisane ceste za saobraćaj motornih vozila (izuzev autobusa i teretnih vozila sa prikolicom) mora imati minimalnu širinu putnog pojasa 4,5 m, stim da je minimalna širina kolovoza 2,75 m, a bankina ili bermi 0,5 m.

- minimalni radijus horizontalne krivine je 12,5 m
- minimalni radijus vertikalne krivine je 80 m
- mimoilaznice na maksimalnom rastojanju do 300 m, zavisno od pogodnosti ceste
- maksimalni uzdužni nagib je 15 %
- maksimalni poprečni nagib je 7%
- u slučaju rješenja odvodnje površinskim putem duž ceste mora biti jedan kanal, rigol ili jarak minimalne širine 0,50 m
- slobodna visina iznad kolovoza je minimalno 4,5 m.

III - ODRŽAVANJE NEKATEGORISANIH CESTA

Član 13.

Održavanje u smislu ove odluke obuhvata izvođenje radova kojima se obezbjeđuje nesmetan i bezbjedan saobraćaj.

Održavanje dijelimo na redovno i investiciono održavanje.

Redovno održavanje je ljetno i zimsko.

Ljetno održavanje:

- Uređenje bankina i kolovoza otkopavanjem površinskog sloja debljine 10 cm, sa planiranjem i odstranjivanjem suvišnog materijala nanosa i osulina.

- 134 -

- Sječenje trave i šiblja u putnom pojasu sa transportom
- Kresanje drveća prečnika 10 – 30 cm sa odlaganjem van pojasa cesta.
- Čišćenje kanala , rogola i odvodnih jaraka sa odvozom materijala van pojasa cesta.
- Čišćenje zatvorenih propusta komplet sa ulazno izlaznom građevinom te odvoz materijala van pojasa cesta.
- Razastiranje kamenog materijala bez nabijanja za obradu rupa sa prevozom do 10 metara
- Osiguravanja odvodnje vode sa kolovoza
- Druge neophodne radnje u cilju prohodnosti cesta (uklanjanje oborenih stabala, granja, osulinskog materijala i slično).

Zimsko održavanje:

- Uklanjanje snijega sa kolovoza i cestovnih objekata
 - Neutralisanje poledice, posipanjem kolovoza abrazivnim i drugim materijalima, naročito na usponima i krivinama. Za asfaltne kolovoze može se upotrebljavati so, dok za kolovoze od kamenih materijala može troska ili kamena sitnjež
 - Obilježavanje kolovoza odgovarajućim letvicama.
- Radovi nabavke kamenog materijala, izgradnja građevina, rekonstrukcije, sanacije klizišta, propusta i slično su radovi investicionog održavanja.
- Susjedi pored nekategorisanih cesta moraju dopustiti jednostavan odvod vode i odlaganje snijega na njihovo zemljište, ako im se time ne prouzrokuje šteta i moraju u skladu sa zakonom i uz odštetu dopustiti pristup do cestovnih objekata radi njihovog održavanja, izgradnje odvodnih jaraka i drugih uređaja za odvod vode do recipijenta.

Član 14.

Radovi na redovnom održavanju nekategorisanih cesta moraju se izvoditi tako da se ne obustavlja saobraćaj.

U slučaju obustave, neophodno je prije obustave saobraćaja na 24 sata obavjestiti učesnike u saobraćaju putem javnog informisanja.

Član 15.

Održavanje i izvođenje radova na nekategorisanim cestama se ugovorom ili narudžbom povjerava pravnom licu registrovanom i osposobljenom za tu vrstu djelatnosti.

Dio održavanja se može povjeriti mjesnoj zajednici za izvođenje radova angažovanjem građana (akcije i slično).

Pravna lica i mjesne zajednice sa moraju pridržavati ugovoreni obaveza.

Član 16.

Svaki građanin, pravna ili fizička lica mogu učestvovati i izvoditi radove redovnog održavanja vlastitim sredstvima, kao i druge radove na održavanju, poboljšavanju kvaliteta cesta i uslova saobraćaja, uz predhodno obavještenje inspektora za ceste.

Za navedene radove inspektor za ceste će dati rješenjem saglasnost ili zabraniti radove ukoliko su u suprotnosti sa potrebama cesta zakonskim propisima ili propisima ove odluke.

IV - ZAŠTITA NEKATEGORISANIH CESTA

Član 17.

Širina zaštitnog pojasa u kome se ne mogu graditi stambene, poslovne ili pomoćne zgrade i objekti iznosi najmanje 5 metara od spoljne ivice cestovnog pojasa.

Širina cestovnog pojasa u kome se ne mogu otvarati kamenolomi, krečane, ciglane, pilane, industrijske zgrade i postrojenja iznosi najmanje 10 metara od spoljne ivice cestovnog pojasa.

Na postojeće objekte u zaštitnom pojasu primjenjuje se režim zabrane građenja.

Član 18.

U zaštitnom pojasu mogu se graditi kablovi i vodovi, autobuska stajališta sa nadstrešnicama, parkirališta, proširenja kolovoza i modernizacija kolovoza uz predhodnu saglasnost nadležnog organa.

Član 19.

Na nekategorisanim cestama mogu se graditi priključci stambenim i drugim objektima, ili za potrebe poljoprivrede samo pod uslovom da se kvalitetno riješi odvodnja, bez bilo kakvog zauzimanja cestovnog pojasa ili ugrožavanja stabilnosti kosina, objekata i elemenata ceste.

Član 20.

Nadležni organ kod izdavanja urbanističke saglasnosti za radove i objekte će propisati lokaciju i uslove izgradnje priključaka, uz predhodno pribavljeno mišljenje inspektora za ceste.

Uz zahtjev za mišljenje potrebno je priložiti izvod iz posjedovnog lista, katastarsku skicu lokacije, situaciju, uzdužni i poprečni profil priključka.

Član 21.

Radi zaštite nekategorisanih cesta zabranjeno je privremeno ili stalno korištenje cesta ili izvođenje radova u cestovnom pojasu koji nisu u vezi sa održavanjem ili rekonstrukcijom ceste ili vršiti radnje kojima se oštećuje cesta, ometa ili ugrožava saobraćaj ili prolaz na cesti.

Član 22.

Radi zaštite nekategorisanih cesta zabranjuje se bez saglasnost nadležnog organa, naročito:

1. U cestovni pojas dovoditi ili ispuštati bilo koju vodu ili druge tekućine,
2. U cestovni pojas dovoditi ili navoditi oborinske i izvorske vode, potoke, potoke bujičare i slično, koji oštećuju cestu u bilo kom pogledu,
3. U cestovni pojas, odvodne kanale i cestovne objekte postavljati, nasipati, deponovati, bacati, ugrađivati bilo kakve materijale i predmete (šine, kolce, skele i drugo),
4. U cestovnom pojasu vući balvane i druge predmete čime se oštećuju elementi ceste,

5. Prosipati po cesti maziva ili druge masne materije ili komponente i materije koje razgrađuju ili oštećuju elemente ceste,

6. Spuštati ili vući kamenje, drvo i druge predmete i materijale niz kosine cestovnih nasipa i usjeka,

7. Ostavljati na kolovozu ili cestovnom pojasu havarisana ili trajno napuštena vozila ili dijelove vozila ili parkirati vozila pojedinačno ili grupno koja ometaju ili onemogućuju prohodnost,

8. Graditi rampe, kapije, vrata, ograde i slično čiji se pokretni dijelovi otvaraju u cestovni pojas,

9. Pojedinačno ili grupno izlaziti na cestu u cilju prekida saobraćaja ili fizički, lično ometati prohodnost.

Član 23.

Zabranjeno je u cestovni pojas postavljati ili pomjerati ograde ili njihove dijelove čime zauzimaju i sužavaju cestu.

Zabranjeno je takođe bilo kakvo vraćanje ili zauzimanje cestovnog pojasa, a koji je u proteklom periodu korišten kao cesta.

Član 24.

Na osnovu izjave vlasnika, nasljednika, korisnika, i kupca uplanjene ceste nadležnom imovinsko-pravnom organu svaka cesta može postati nekategorisana i da se uplani kao DR SV uz predhodno mišljenje inspektora za ceste.

Postupak iz predhodnog stava je prioritetan bez naknade taksi, dadžbina ili troškova.

Član 25.

Materijali namijenjeni za radove na cesti ili zimsko održavanje mogu se deponovati u cestovnom pojasu na pogodnom proširenju stim da cijela širina kolovoza mora ostati slobodna za bezbjedan saobraćaj u oba smjera. Isti ne smiju umanjivati preglednost.

Član 26.

Lice ili učesnik u saobraćaju koje je nanijelo štetu cesti, signalizaciji, opremi ili objektima dužno je nadoknaditi štetu prema cjenovniku ili ponudi izvođača radova odmah, a najkasnija u roku od 8 dana od dana nastanka štete, a ukoliko je pokrenut sudski postupak utvrđivanja krivice 8 dana od dana pravosnažnosti sudske presude.

Član 27.

Pravno ili fizičko lice koje vrši teretni prijevoz materijala, kao što su kameni materijali, zemljani, oblovina, drva, građevinski materijali itd., i znatno oštećuje cestu, dužan je namiriti oštećenja ili platiti naknadu za sanaciju ceste-odnosno dovođenja ceste u prvobitno stanje.

Član 28.

Prije masovnog prijevoza tereta, lice iz člana 27. dužno je pribaviti odobrenje, uz prethodnu prijavu prijevoza nadležnom inspektoru za ceste, zbog utvrđivanja činjeničnog stanja ceste.

Odobrenje o prijevozu izdaje nadležni općinski organ rješenjem, kojim se određuju uslovi i rok dovođenja ceste u prvobitno stanje, odnosno visina naknade.

Zahtjev za izdavanje odobrenja mora da sadrži osnovne podatke o licu, cesti kojom se vrši prevoz, vrsta i količina tereta te rok za koji će se izvršiti prijevoz.

U slučaju da se ne izvrši prijava inspektoru za ceste, odgovornost i zatečenu nastalu štetu na cesti snosi lice u vrijeme evidentiranja od strane inspektora.

Ukoliko se vrši prekomjerna upotreba ceste prevozom koji znatno oštećuju cestu bez odobrenja, vozilo se isključuje iz prometa, a prijevoznik će platiti desetostruki iznos utvrđene naknade.

Isključivanje iz prometa vrši inspektor nekategorisanih cesta i ovlašteni radnici ministarstva unutrašnjih poslova, skidanjem registarskih tablica sa vozila.

Prijevoznik se stara o vozilu i snosi sve posljedice isključivanja vozila iz prometa.

V - UPRAVLJANJE CESTAMA

Član 29.

Nekategorisanim cestama upravlja općinski organ nadležan za saobraćaj i ceste, do formiranja fonda za ceste ili prenošenja nadležnosti pravnom licu registrovanom za održavanje cesta.

Akt o osnivanju fonda ili prenošenja nadležnosti donosi Općinsko vijeće, kojim će se regulisati prava, obaveze i uslovi osnivanja fonda ili prenosa nadležnosti shodno zakonu o cestama.

Organ iz člana 29. naročito:

1. Donosi srednjoročne i godišnje planove i programe izgradnje, rekonstrukcije, održavanja i zaštite.
2. Sprovodi utvrđenu politiku finansiranja shodno aktima iz tačke 1.
3. Stara se o obezbjeđenju potrebnih sredstava za realizaciju planova i programa.
4. Stara se o realizaciji mjera i aktivnosti na unapređenju bezbjednosti saobraćaja na nekategorisanim cestama.
5. Podnosi izvještaje Općinskom vijeću o izvršenju planova i programa, kao i finansijski plan.
6. Organizuje tehničko i finansijsko sprovođenje plana i programa, te kontrolu istih.
7. Organizuje poslove projektovanja, izgradnje, rekonstrukcije i održavanja nekategorisanih cesta.
8. Utvrđuje, odnosno učestvuje u utvrđivanju visine određenih naknada za ceste.
9. Organizuje i vodi evidenciju nekategorisanih cesta, sa svim saobraćajnim, građevinskim karakteristikama, te finansijskim pokazateljima za svaku cestu.
10. Daje saglasnosti na izvođenju radova u pojasu cesta.
11. Privremeno zabranjuje ili ograničava promet na cesti ili samo na pojedinim dijelovima, zavisno od stanja ceste, izvođenja radova i mogućnosti obavljanja prometa.

Nadležan organ ili fond ili pravno lice dužno je sa posebnom pažnjom i tačno sprovoditi obaveze iz svih dokumenata propisanih prethodnim stavom, a naročito trošenje sredstava. Za svaku bitnu promjenu u dokumentima iz tačke 1, 2. i 8. prethodnog stava potrebna je prethodna saglasnost općinskog vjeća.

VI - FINANSIRANJE CESTA

Član 30.

Sredstva za održavanje, sanaciju, rekonstrukciju, izgradnju i zaštitu nekategorisanih cesta obezbjeđuju se prema mogućnostima iz:

1. Sredstva Kantona, Federacije BiH namijenjenih za nekategorisane ceste ili potrebe općine.
2. Naknade za upotrebu cesta koja se plaća za motorna, priključna i zaprežna vozila,
3. Naknada za ceste koja se plaća za vanrednu ili prekomjernu upotrebu cesta,
4. Naknada iz zaštite cesta,
5. Zajmovi, krediti i donacije,
6. Udruživanje sredstava i samodoprinosi,
7. Naknada za upotrebu nekategorisanih cesta,
8. Drugih sredstava.

Član 31.

Plaćanje naknade za upotrebu nekategorisanih cesta iz člana 30. tačka 7. odnosi se za sva vozila registrovana na općini .

Visina naknade iz predhodnog stava i prethodnog člana, za nekategorisane ceste utvrđuje vijeće na prijedlog općinskog organa nadležnog za upravljanje cestama.

VII - INSPEKCIJSKI NADZOR

Član 32.

Nadzor nad izvršenjem odredba ove odluke i propisa koji se odnose na održavanje, zaštitu, izgradnju i rekonstrukciju nekategorisanih cesta, vrši općinski inspektor za ceste.

Član 33.

U vršenju poslova inspeksijskog nadzora općinski inspektor ovlašten je da:

1. Pregleda radove, plansku, investiciono-tehničku dokumentaciju i saglasnosti za izgradnju, rekonstrukciju i održavanje cesta i po potrebi naredi mjere za otklanjanje nedostataka,
2. Obustavi radove koji se izvode protivno tehničkim propisima, normativima i standardima, propisima o mjerama za zaštitu cesta ili tehničkoj dokumentaciji i utvrdi rok za otklanjanje nedostataka,
3. Naredi otklanjanje nedostataka u određenom roku, na cestama koji ometaju normalnu prohodnost ili ugrožavaju bezbjednost saobraćaja, ili stabilnost objekata i konstrukcije cesta, ili zbog nepravilnog održavanja nekategorisanih cesta,
4. Obustavi radove koji mogu narušiti ili ugrožavaju stabilnost cesta i bezbjednost ili normalnu prohodnost saobraćaja na njima, te utvrdi rok za otklanjanje nedostataka,
5. Naredi uklanjanje nedostataka koji na bilo koji način zauzimaju cestovni pojas suprotno odredbama zaštite cesta.

6. Privremeno zabrani saobraćaj na postojećoj nekategorisanoj ili novoizgrađenoj cesti ili djelu ceste ili objektu na njoj, ako utvrdi da sa gledišta bezbjednosti saobraćaja ne ispunjava tehničke normative ili ocijeni da je ugrožena stabilnost,

7. Naredi rušenje građevine ili njenih djelova ako se gradi ili je izgrađena u cestovnom pojasu bez odobrenja ili suprotno odobrenju nadležnog organa,

8. Zabrani građenje objekata u zaštitnom cestovnom pojasu, ako se gradi bez odobrenja ili suprotno odobrenju nadležnog organa,

9. Zabrani upotrebu priključaka, parkirališta, stajališta, koji su izgrađeni suprotno odredbama odluke ili propisa iz ove oblasti,

10. Naredi privremenu obustavu saobraćaja na cesti, dijelu ceste ili cestovnim objektima, ako je cesta ili njeni dijelovi u takvom stanju da se ne može vršiti bezbjedan saobraćaj, ili ako se ugrožavaju životi ili zdravlje ljudi ili učesnika u saobraćaju,

11. Naredi privremenu zabranu provođenja plana, odobrenja, zaključaka ugovora, saglasnosti, odluka, naredbi i slično, (akata) vezanih za održavanje i zaštitu cesta, a koje su u suprotnosti sa odredbama ove odluke.

O utvrđenim nalazima i preduzetim mjerama inspektor je dužan bez odlaganja obavijestiti nadležan općinski organ, preduzeće zaduženo za održavanje cesta, a po potrebi policijsku upravu, učesnike u saobraćaju putem javnog informisanja i druge zainteresovane subjekte.

Ukoliko investitor ili izvođač radova ne otklone nedostatke u datom roku, inspektor će otklanjanje nedostataka naložiti organizaciji koja održava ceste ili nadležnom organu o trošku onog koji nije otklonio nedostatke.

Žalba protiv rješenja inspektora ne odlaže izvršenje rješenja u slučajevima kada se radi o neposrednoj opasnosti po život i zdravlje ljudi ili imovine, i bezbjednosti saobraćaja, i mogućnost normalne prohodnosti.

Član 34.

Spisak nekategorisanih cesta koji se trebaju obuhvatiti programom aktivnosti za planski period:

1.	Ribnica – Nišani – Donja Gosovica	5,00 km
2.	Ribnica – Mujići – Čizme-Vračevac-Bare	7,00 km
3.	Ribnica – Lađenik – Gornja Gosovica	3,00 km
4.	Ribnica – Nišani – Bradić – Gornja Gosovica	3,00 km
5.	Ribnica – Lađenik – Kršić	3,00 km
6.	Maoča – D. Dištica – G. Dištica	5,00 km
7.	Maoča – Ivanovići	2,00 km
8.	Smailbašići – Šadići – Pešice	1,20 km
9.	Bare – Keseri	1,20 km
10.	Bare – Biotić	1,00 km
11.	Smailbašići – Rijeka	0,80 km
12.	Smailbašići – Sačići	0,40 km
13.	Džamija u Rujnici – Selište	0,50 km
14.	Selište – Mednjik	1,00 km
15.	Zagaj – Mramorje	1,20 km
16.	4-ti km – Donji Vikovići – Donji Mustajbašići	7,00 km
17.	D. Kovači – Hrkići – Žišci – Karalići	2,50 km
18.	Hridovi – Stavci	0,60 km
19.	Stari Most – Stavci	0,60 km

20.	6-ti km – Džinići	0,40 km
21.	Dragovići – Donji Kovači	1,00 km
22.	G. Kovači – D. Kovači	1,00 km
23.	Brijeg – 5-ti km	1,00 km
24.	Brezik – D. Mustajbašići	1,30 km
25.	Debeli Hrast – Kovačevići	0,40 km
26.	Vrtače – Volujak	1,50 km
27.	Žuber – Mešići	0,50 km
28.	Potok – Bare	0,50 km
29.	Potok – Škola na Mahoju	0,40 km
30.	Bajvati – Škola	1,50 km
31.	Bajvati – Beše	1,00 km
32.	Lijevča – Gornje Selo	1,00 km
33.	Lug – Rakite	0,50 km
34.	Lijevča – Krst	0,50 km
35.	Sinanovići – Gornje Selo	0,80 km
36.	Sinanovići – Ornice (kružno)	2,00 km
37.	Borovnica – Kraj asfalta prema Buretini	0,30 km
38.	Borovnica – Šehići	2,00 km
39.	Borovnica – Staro Selo	1,00 km
40.	6-ti km – Most – Kučice	2,00 km
41.	6-ti km – Odvojak za Donje Kučice	1,00 km
42.	Paravci – Poljice (kružno)	3,00 km
43.	Marušići – Fojnica	0,60 km
44.	Paravci – Fojnica	0,70 km
45.	Marušići – Prnjavor	0,40 km
46.	Paravci – Poljice	2,50 km
47.	Pašin konak – Laz – Krivaja	4,00 km
48.	Pašin konak – Livade	2,00 km
49.	Pašin konak – Delići – Huskići	2,50 km
50.	Krivaja – Kuljani	2,00 km
51.	Mramorje – Junuzovići	2,00 km
52.	Mujkići – Merdanovići	1,00 km
53.	Vučije polje – Borik	1,00 km
54.	Pašin konak – Dedići	1,50 km
56.	Zavidovići – Potklečje	3,00 km
57.	ul. Krivajska – G. Uljići	1,50 km
58.	Dubravica – Vrbica	1,50 km
59.	Ćumurana – Davulije	1,00 km
60.	Ćumurana – Gornje Selo	1,00 km
61.	Vozuća – Misarađa-Zabrdo-Brdo	6,00 km
62.	Vozuća – Potkočari-Pejići-Miljevići	5,00 km
63.	Dubravica – Grlići – Borosi	1,00 km
64.	Donja lovnica – Huremi	1,50 km
65.	Donja lovnica – Mejtef	2,00 km
66.	D. Mećev ići – G.Mećevići	1,50 km
67.	Brašljevine – Memići	2,00 km
68.	Lučica – Polje	0,50 km

69.	Lug –Lađenik- Pjenovac	0,50 km
70.	Brezik – Krajnići	1,20 km
71.	Most 3-ći km-Stipovići – Faljići	3,80 km
72.	Podvožnjak-Majdan-G.selo	2,00 km
73.	Ćumurana –podvožnjak	1,00 km
74.	Podvožnjak Alići-podvožnjak Dolina	3,00 km
75.	Podvožnjak Alići-Alići selo	2,00 km
76.	Hodžića Polja –Osječani - Slivići	4,00 km
77.	Bajvati škola-G.Bajvati	1,00 km
78.	Put za Vinište- Alići	0,50 km
79.	Dubravica- Podgaj	0,50 km
80.	Dubravica –Kremenjaši	1,00 km
81.	Dubravica-Podsela	0,50 km
82.	Dubravica-Dendići	0,50 km
83.	Dubravica –Jasikovi	0,50 km
84.	Dubravica-Močila-ul.M.Gupca	1,00 km
85.	G.Miljevići-Grab-Ekonomija	2,00 km
86.	Prnjavor-Poljice	1,50 km
87.	Prnjavor-Klek	2,00 km
88.	Podobala-Krš	1,50 km
89.	Mahoje-Brašljevine	3,00 km
90.	Potok-Volujak	0,70 km
91.	Žičani most 4.km-Bare-Stipovići-Most 6.km	2,50 km
92.	Stipovići-Dolovi	1,00 km
93.	Pašin konak-Imamovići-Brdo	2,50 km

U prethodnom stavu date su samo dužine cesta prioritete za stanovnike mjesnih zajednica.

Član 35.

Zavisno od potrebe programom se mogu obuhvatiti i druge nekategorisane ceste.

Status nekategorisane ceste imaju svi mostovi na općini Zavidovići osim na lokalnim, regionalnim cestama i ulicama u gradu.

VIII - KAZNENE ODREDBE

Član 36.

Novčanom kaznom od 1.000,00 do 8.000,00 KM kaznit će se za privredni prestup investitor ili preduzeće za ceste ili fond za ceste ili drugo pravno lice ako:

- 1) Uplani ili proglasi nekategorisanu cestu bez rješenja nadležnog organa prema članu 4. ove odluke.
- 2) Na cesti stekne imovinska prava suprotno članu 6.ove odluke.
- 3) Ne vrši izradu projekata na osnovu kojeg se izdaje odobrenje za građenje prema članu 12. ove odluke
- 4) Ne povjerava izvođenje radova i održavanje cesta prema članu 15. ove odluke.

5) U zaštitnom pojasu ceste podiže objekte protivno odredbi člana 17. ove odluke.

6) Vršiti masovni prevoz tereta bez odobrenja o prevozu, propisanog članom 28. ove odluke.

7) Ne obezbijedi trajno, neprekidno i kvalitetno održavanje i zaštitu cesta prema odredbi člana 29. ove odluke.

8) Uvede plaćanje naknade za ceste protivno odredbi člana 30. ove odluke.

Za privredni prestup iz prethodnog stava kaznit će se novčanom kaznom od 120,00 do 1000,00 KM i odgovorno lice u investitoru ili nadležnom općinskom organu ili fondu za ceste ili drugom pravnom licu .

Član 37.

Novčanom kaznom od 500,00 do 2.500,00 KM kaznit će se za prekršaj nadležni općinski organ ili fond za ceste ili preduzeće za ceste ili drugo pravno lice ako :

Uplani nekategorisanu cestu bez odobrenja za upotrebu propisanog članom 11. ove odluke

- 1) Ne izvodi radove na održavanju ceste u skladu sa članom 13. ove odluke
- 2) Izvodi radove na održavanju ceste suprotno članu 14. ove odluke.
- 3) Ne izvodi radove prema ugovoru iz člana 15. stav 3. ove odluke.
- 4) Izvodi radove na održavanju ceste bez pismene saglasnost nadležnog inspektora, prema članu 16. ove odluke.

5) Izvodi radove u zaštitnom pojasu ceste bez saglasnosti ili suprotno saglasnosti, propisane članom 18. ove odluke.

6) Gradi priključak na cestu suprotno članu 19. ove odluke.

7) Izda urbanističku saglasnost bez prethodno pribavljenog mišljenja inspektora prema članu 20. ove odluke

8) Privremeno ili stalno koristi cestu, ili izvodi radove na cesti ili vrši radnje suprotno članu 21. ove odluke.

9) Na cesti vrši neku od radnji iz člana 22. ove odluke.

10) Zauzima cestu postavljanjem ili pomjeranjem ograda, suprotno članu 23. ove odluke.

11) Ne izvrši uplanu ceste kao DR SV (državna – svojina) predviđenu članom 24. ove odluke.

12) Deponuje materijal za održavanje ceste ili radove na cesti suprotno članu 25. ove odluke.

13) Ne otklonio pričinjenu štetu u roku na cesti propisanu članom 26. ove odluke.

14) Ne sanira oštećenja ceste ili ne plati naknadu propisanu članom 27. ove odluke.

15) Vršiti masovni prijevoz tereta bez prethodne prijave inspektorima za ceste propisane članom 28. stav 3. ove odluke.

16) Ne donese planove predviđene članom 29. stav 3. tačka 1. ili ne sprovodi obaveze ili troši sredstva suprotno članu 29. stav 4.

Za prekršaj iz prethodnog stava kaznit će se novčanom kaznom od 120,00 do 1.000,00 KM i odgovorno lice u investitoru ili nadležnom općinskom organu ili fondu za ceste ili drugom pravnom licu .

- 143 -

Član 38.

Novčanom kaznom od 100,00 do 500,00 KM kaznit će se i građanin za prekršaj iz: člana 16, člana 18, člana 19, člana 21, člana 22, člana 23, člana 26, člana 27 i člana 28. ove odluke.

IX - PRELAZNE I ZAVRŠNE ODREDBE**Član 39.**

Svaka nekategorisana cesta, prema kriteriju Vlade kantona, može se proglasiti lokalnom cestom, aktom (provedbenim propisom) vlade kantona na prijedlog nadležnog ministarstva, što se definiše projektnom dokumentacijom na osnovu koje je izdato odobrenje za građenje i odobrenje za upotrebu ceste.

Član 40.

Ovom odlukom se stavlja van snage Odluka o lokalnim i nekategorisanim putevima u dijelu koji se odnosi na nekategorisane puteve broj: 01-023-22 od 06.marta 1987.godine

Član 41.

U svim aktima (rješenja, odluke, izvod iz katastra nekretnina i td.) gdje se pominje riječ «put» u odgovarajućim jezičkim oblicima, podrazumjeva se riječ «cesta» u odgovarajućim jezičkim oblicima.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-27-3920
Datum, 15.5.2002.godine

Fuad Berberović, s.r.

Na osnovu člana 23. i 24. Odluke o građevinskom zemljištu ("Službeni glasnik općine Zavidovići", broj 14/2001) a u vezi člana 89. Poslovnika općinskog vijeća i člana 55. Statuta općine Zavidovići ("Službeni glasnik općine Zavidovići", broj 3/2002-prečišćeni tekst), Općinsko vijeće Zavidovići na svojoj 29. sjednici održanoj 15.5.2002.godine, donijelo je

O D L U K U

o određivanju značaja djelatnosti prilikom dodjele neizgrađenog gradskog građevinskog zemljišta u svrhu izgradnje objekata za obavljanje djelatnosti ličnim radom, sredstvima u svojini građana, kao i u svrhu izgradnje poslovnih i stambeno-poslovnih objekata

Član 1.

Ovom odlukom određuje se značaj djelatnosti prilikom dodjele neizgrađenog gradskog građevinskog zemljišta u svrhu izgradnje poslovnih i stambeno-poslovnih objekata.

Član 2.

Djelatnosti od posebnog interesa za društveno ekonomski razvoj općine:

- proizvodnja obuće,
- proizvodnja sokova od voća i povrća,
- prerada i konzerviranje voća i povrća,
- proizvodnja, prerada i konzerviranje mesa i proizvoda od mesa.

Član 3.

Izrazito deficitarne djelatnosti:

- prerada mlijeka i proizvodnja mliječnih proizvoda,
- proizvodnja sportske opreme,
- reciklaža metalnih i ostalih otpadaka,
- pranje i hemijsko čišćenje tekstila i krznjenih proizvoda,
- saloni za uljepšavanje,
- proizvodnja dekorativnih predmeta,
- medicinska privatna praksa,
- privatne medicinske usluge laboratorijskog tipa,
- urari,
- krojači,
- proizvodnja pribora i galanterije za lov i ribolov,
- održavanje i popravka liftova,
- veleprodaja,
- izrada (proizvodnja) ortopedskih pomagala,
- prerada sirove kafe,

- 145 -

Član 4.

Deficitarne djelatnosti:

- uzgoj gljiva, skupljanje šumskih gljiva,
- proizvodnja sjemenja cvijeća, voća i povrća,
- proizvodnja mješavina čaja, trava i biljnih ekstrakata,
- proizvodnja od otpadaka drveta,
- proizvodnja eteričnih ulja,
- proizvodnja sječiva, alata, brava i okova,
- proizvodnja žičanih proizvoda,
- proizvodnja zakovica, vijčane robe, lanaca i opruga,
- popravka bicikala,
- djelatnost unutrašnjih dekoratera i aranžera,
- dimnjačarska djelatnost,
- kaffe slastičarna,
- restorani,
- moteli,
- specijalizirane prodavnice.

Član 5.

Na djelatnosti koje nisu navedene u članovima 2, 3. i 4. ove odluke primjenjuju se odredbe Odluke o standardnoj klasifikaciji djelatnosti u Federaciji BiH («Služene novine FBiH», broj 28/98).

Član 6.

Ova odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-31-1137
Datum, 15.5.2002.godine

Fuad Berberović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-31-575
Datum: 15.5.2002.godine

Općinsko vijeće Zavidovići na 29. sjednici održanoj dana 15.5.2002. godine, a na osnovu člana 15. stav 1. i 2. a u vezi sa članom 4. Zakona o eksproprijaciji ("Službeni list SRBiH", broj 12/87 i 38/89 i "Službeni list R BiH", broj 15/94) i člana 55. tačka 2. Statuta općine Zavidovići ("Službeni glasnik općine Zavidovići, broj 3/2002-prečišćeni tekst), na prijedlog MZ "Kovači" za utvrđivanje općeg interesa, donijelo je

RJEŠENJE

Utvrđuje se da je od općeg interesa dogradnja vodovoda "Klek-Stavci" u korist MZ "Kovači" i da se u tu svrhu može utvrditi pravo službenosti postavljanja i održavanja vodovodnih cijevi i izgradnje kaptaže na slijedećim nekretninama:

k.o. Mustajbašići: k.č. br. 1285 vlasništvo Avdić (Mustafa) Rešid; k.č. br. 1240 vlasništvo Avdić (Mujo) Osman; k.č. br. 1290 vlasništvo Hamidović (Mujo) Ibrahim; k.č. br. 1291 vlasništvo Avdić (Ibrahim) Zaim; k.č. br. 1299 vlasništvo Huskanović (Mujo) Ifeta; k.č. br. 1300 vlasništvo Mulahalilović (Omer) Sakib, Ikanović (Omer) Emina, Bošnjaković (Ramo) Ahmet, Hajder (Ramo) Saliha, Humkić (Ramo) Zubejda, Bošnjaković (Ramo) Osman, Sinanović (Ramo) Hamida, Mulahalilović (Mujo) Ziba, Kovačević (Hašim) Šefika, Mulahalilović (Hašim) Šefik, Mešić (Hašim) Saliha, Hrkić (Hašim) Nusreta, Sinanović (Hašim) Ziraleta, Mulahalilović (Hašim) Šemsudin; k.č. br. 1301 vlasnik Sinanović (Meho) Senija; k.č. br. 2923 vl. DRSV OOUR Doboje putevi; k.č. br. 1411 vl. Čahtarević (Ibro) Saliha; k.č. br. 1408 vl. Marušić (Avdo) Ibrahim; k.č. br. 332 i 333 vl. Čahtarević (Sinan) Ibrahim; k.č. br. 2925 vl. DRSV Javni i nekategorisani putevi; k.č. br. 1200 vl. Hajder (Ibrahim) Edhem, k.č. br. 1205 vl. Mehmedović (Huso) Rašid; k.č. br. 1206 vl. Skorzić (Ibrahim) Rasim; k.č. br. 2926 vl. DRSV Javni i nekategorisani putevi; k.č. br. 1340 vl. Hamidović (Mujo) Ibrahim; k.č. br. 1341 vl. Hamidović (Mujo) Ramo; k.č. br. 1342 vl. Hamidović (Mujo) Mustafa; k.č. br. 1343 i 1345 vl. Kundak (Asim) Nusret; k.č. br. 1332 i 1333 vl. Hamidović Bisera ud. Ahmeta.

k.o. Činovići: k.č. br. 1230/1 vl. Mahovac (Mahmut) Munib i Rabija; k.č. br. 1233 vl. Mušić (Meho) Sinan; k.č. br. 1234 vl. Mušić (Mustafa) Mevla; k.č. br. 1244 vl. Bašić (Adul) Asim; k.č. br. 1290/2 i 1290/3 vl. Fehrić (Omer) Omer; k.č. br. 1272 i 1273 vl. Mahovac (Mahut) Rasim; k.č. br. 1274, 2834, 2832, 1369, 1372 i 1603 vl. DRSV Javni i nekategorisani putevi; k.č. br. 1393/2 vl. Bektić (Jusuf) Emina i Bektić (Jusuf) Mehmedalija; k.č. br. 1388 vl. Marušić (Naim) Asim, Mujčinović (Naim) Hamida, Marušić (Naim) Taib, Marušić (Naim) Amir, Marušić (Huso) Rasma, Bošnjaković (Naim) Asima; k.č. br. 1367 vl. Marušić (Himzo) Hasan; k.č. br. 1366 vl. Avdičević (Jusuf) Asim; k.č. br. 1368 vl. Marušić (Bego) Begzad, Marušić (Bego) Sevla, Mrkonjić (Bego) Šekada, Marušić (Bego) Sevad, Marušić (Bego) Nusret, Marušić (Bego) Vesad; k.č. br. 1370 vl. Hajder (Abid) Hajrija; k.č. br. 1371 i 1373/1

vl. Hajder (Meho) Meho; k.č. br. 1374 vl. Marušić (Husein) Mustafa; k.č. br. 1624/1 vl. Marušić (Avdo) Semiz; k.č. br. 1622 vl. Mahovac (Husein) Asim; k.č. br. 1621 vl. Marušić (Husein) Asim; k.č. br. 1618/2 i 1619/4 vl. Hajder (Derviš) Ismet; k.č. br. 2839 vl. DRSV OOUR Doboj putevi i k.č. br. 1417 vl. Avdić (Avdija) Ahmet.

O b r a z l o ž e n j e

MZ "Kovači" iz Kovača obratila se dana 06.08.2001. godine Općini Zavidovići sa prijedlogom za utvrđivanje općeg interesa za dogradnju vodovoda "Klek-Stavci".

Uz prijedlog za utvrđivanje općeg interesa su priložili:

- vodoprivrednu saglasnost br. 03/14-25-256 od 17.04.2001. godine
- urbanističku saglasnost br. UTU-3/3-23-670/01 od 14.05.2001. godine
- izvod iz projektne dokumentacije

Od mjesne zajednice "Kovači" je po službenoj dužnosti pribavljena saglasnost o društveno-ekonomskoj opravdanosti izgradnje vodovoda na poljoprivrednom zemljištu.

Prijedlog je obrazložen činjenicom da će se dogradnjom predmetnog vodovoda iz istog snabdjevat preko 200 domaćinstava, te da je neophodno utvrditi opći interes kako bi se kasnije po pravosnažnosti ovog rješenja utvrdilo pravo služnosti postavljanja i održavanja vodovodnih cijevi i kaptaže.

Imajući u vidu da korisnik vodovoda nema riješeno pitanje vodosnabdjevanja i da su ispunjeni zakonski uslovi odlučeno je kao u dispozitivu rješenja, a na osnovu člana 15. stav 1. i 2. Zakona o eksproprijaciji.

Citirani član Zakona o eksproprijaciji glasi:

"U slučaju da opći interes nije utvrđen po članu 13. i 14. ovog zakona, eksproprijacija se može predložiti tek pošto Skupština opštine, a na obrazložen prijedlog korisnika eksproprijacije, donese rješenje da je izgradnja objekata na određenom zemljištu od opšteg interesa i da se može pristupiti eksproprijaciji.

Rješenje iz prethodnog stava donosi Skupština opštine na čijem se području nalazi zemljište".

U konkretnom slučaju radi se nepotpunoj eksproprijaciji odnosno pravu službenosti, što je regulisano članom 4. stav 1. koji glasi: "Eksproprijacijom se može ustanoviti službenost na zemljištu i zgradi, kao i zakup na zemljištu na određeno vrijeme (nepotpuna eksproprijacija). Članom 7. stav 2. Zakona o eksproprijaciji, a koji glasi: "Eksproprijacijom se može izuzetno ustanoviti službenost u korist građana radi postavljanja vodovodnih cijevi, električnih i telefonskih kablova i gasovoda, kanalizacije i u drugim slučajevio određenim zakonom".

Protiv ovog rješenja ne može se izjaviti žalba niti se može pokrenuti upravni spor.

**PREDSJEDAVAJUĆI
OPĆINSKOG VIJEĆA**

Fuad Berberović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-1117
Dana: 15.05.2002. godine

Na osnovu člana 47. i 48. stav 1. Zakona o građevinskom zemljištu ("Službeni list SRBiH", broj: 34/86, 1/90 i 29/90 i "Službeni list R BiH", broj: 3/93 i 13/94 i člana 6. i 13. tačka 6. Odluke o građevinskom zemljištu ("Službeni glasnik općine Zavidovići", broj 3/2002-prečišćeni tekst), Općinsko vijeće Zavidovići je na 29. sjednici održanoj 15.5.2002. godine, d o n i j e l o

RJEŠENJE

**o dodjeli neizgrađenog gradskog građevinskog
zemljišta na korišćenje radi građenja
neposrednom pogodbom**

1. Islamska zajednica u BiH-Medžlisu Islamske zajednice Zavidovići dodjeljuje se neposrednom pogodbom na korišćenje radi građenja neizgrađeno gradsko građevinsko zemljište označeno sa k.č. br. 1182 zv. "Grad", kuća-zgrada pov. 87 m², dvorište pov. 500 m² i oranica 5 klase pov. 240 m² upisana u p.l. br. 0232 k.o. Zavidovići kao DRSV-općine Zavidovići sa dijelom posjeda 1/1, a u svrhu izgradnje Islamskog centra.
2. Islamska zajednica u BiH-Medžlis Islamske zajednice Zavidovići se oslobađa od plaćanja naknade za dodjeljeno neizgrađeno gradsko građevinsko zemljište iz tačke 1. dispozitiva.
3. Nakon pravosnažnosti svog rješenja po službenoj dužnosti će se uknjižiti pravo korišćenja zemljišta radi građenja označenog u tački 1. dispozitiva rješenja u korist Islamske zajednice u BiH- Medžlisa islamske zajednice u Zavidovićima.
4. Islamska zajednica u BiH-Medžlis Islamske zajednice Zavidovići gubi pravo korišćenja zemljišta radi građenja iz tačke 1. dispozitiva ukoliko u roku od 1 godine od zemljišta radi građenja iz tačke 1. dispozitiva ukoliko u roku od 1 godine od pravosnažnosti ovog rješenja ne podnese zahtjev da joj se izda odobrenje za građenje, odnosno ako u roku od 3 godine od izdavanja odobrenja za građenje na izvede pretežan dio radova na građevini.

Obrazloženje

Islamska zajednica u BiH-Medžlis Islamske zajednice Zavidovići obratila se dana 24.04.2002. godine sa zahtjevom za dodjelu neizgrađenog gradskog građevinskog zemljišta radi građenja Islamskog centra u Zavidovićima, bliže označenoj u tački 1. dispozitiva rješenja.

Uz zahtjev je priložila izvod iz p.l. za k.č. 1182 k.o. Zavidovići,

Po službenoj dužnosti je pribavljen izvod iz regulacionog plana "Centar I".

U zahtjevu stranke se navodi da je izgradnja islamskog centra na predmetnoj parceli predviđena regulacionim planom "Centar I".
Dalje, u zahtjevu se navodi da je k.č. br. 1182 k.o. Zavidovići bila predmet Eksproprijacije po kome je donešeno pravosnažno rješenje službe za upravu geodetskih i imovinsko pravnih poslova općine Zavidovići br. 06/31-493/99, od 6.10.1999. godine, i da je IZ Zavidovići u postupku određivanja naknade za ekspropisane nepokretnosti platila dio naknade koja se odnosi na naknadu ranijem vlasniku u iznosu od 10 090,00 KM.

Uz zahtjev za dodjelu zemljišta iz tačke 1. dispozitiva stranka je podnijela zahtjev Službi za upravu geodetskih i imovinsko pravnih poslova općine Zavidovići za oslobađanje od plaćanja naknade za dodijeljeno zemljište obrazloživši ga činjenicom da je objekat od šireg značaja, namijenjen za zadovoljavanje vjerskih potreba većeg dijela građana grada Zavidovića pa i općine kao cjeline.

U provedenom postupku utvrđeno je slijedeće:

- da je regulacionim planom "Centar I", između ostalih, u svrhu izgradnje Islamskog centra obuhvaćena i k.č. br. 1182 k.o. Zavidovići-dokaz izvod iz regulacionog plana "Centar I".
- da je pravosnažnim rješenjem službe za upravu geodetskih i imovinsko pravnih poslova općine Zavidovići ekspropisan stambeni objekat koji se nalazio na predmetnoj parceli-dokaz rješenje br. 06/31-493/99, od 6.10.1999. godine.
- da je nakon pravosnažnosti citiranog rješenja o eksproprijaciji sa ranijim vlasnicima k.č. br. 1182 k.o. Zavidovići postignut djelimični sporazum o naknadi za zemljište na kome se nalazila zgrada koja je bila predmet eksproprijacije, odnosno putem Općinskog suda u Zavidovićima je određena naknada za ekspropisanu zgradu ranijim vlasnicima Sinanović Anti i Sinanović Dijani- dokaz, zapisnik o sporazumnom određivanju naknade za ekspropisane i izuzete nekretnine broj: 06/31-493, od 09.03.2000. godine i rješenje suda br. R1 342/00 od 11.10.2001. godine.
- da je IZ Zavidovići platila dio naknade za ekspropisane nekretnine koji se odnosio na naknadu za zemljište- dokaz, kopija uplatnica IK banke Zenica- poslovnica Zavidovići od 15.01.2001. godine.
- da k.č. br. 1182 k.o. Zavidovići faktički ima status neizgrađenog gradskog građevinskog zemljišta s obzirom da je objekat koji se na istoj nalazio srušen i potpuno uklonjen sa zemljišta, te može biti predmet dojele u skladu sa zakonom- dokaz, zapisnik o uviđaju na licu mjesta od 24.04.2002. godine na licu mjesta.

Na osnovu ovako utvrđenog činjeničnog stanja odlučeno je kao u dispozitivu rješenja.

Protiv ovog rješenja ne može se izjaviti žalba ali se može pokrenuti upravni spor kod Kantonalnog suda u Zenici u roku od 30 dana od dana njegovog prijema.

PREDSJEDAVAJUĆI
OPĆINSKOG VIJEĆA

Fuad Berberović, s.r.

- 150 -

Na osnovu člana 36. stav 2., a u vezi sa članom 46. stav 2. Poslovnika Općinskog vijeća Zavidovići («Službeni glasnik općine Zavidovići», broj 3/2002-prečišćeni tekst), Općinsko vijeće Zavidovići na 29. sjednici od 15.5.2002.godine, donijelo je

R J E Š E N J E

o razrješenju i imenovanju predsjednika Upravnog odbora
Javnog preduzeća "Veterinarska stanica" Zavidovići

I

MIRALEM MUSIĆ, spec.neur., razrješava se dužnosti predsjednika Upravnog odbora Javnog preduzeća «Veterinarska stanica» Zavidovići.

II

SULEJMAN KARABEGOVIĆ, ing.poljoprivrede, imenuje se za predsjednika Upravnog odbora Javnog preduzeća «Veterinarska stanica» Zavidovići.

III

Ovo rješenje stupa na snagu danom donošenja i bit će objavljeno u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

Broj: 01-34-485
Datum, 15.5.2002. godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

S A D R Ź A J

I – AKTI OPĆINSKOG VIJEĆA

1. ODLUKA o izmjeni i dopuni Odluke o osnovama i načinu isplate naknada i drugih primanja vijećnika i drugih radnih tijela Općinskog vijeća Zavidovići	126
2. ODLUKA o izmjenama i dopunama Odluke o općinskim administrativnim taksama	127
3. ODLUKA o davanju saglasnosti na zaključak Općinskog načelnika o utvrđivanju vrijednosti boda za finansiranje komunalne djelatnosti zajedničke potrošnje	128
4. ZAKLJUČAK o utvrđivanju vrijednosti boda na osnovu kojeg se utvrđuje visina komunalne naknade za finansiranje komunalnih djelatnosti zajedničke potrošnje u općini Zavidovići	129
5. ODLUKA o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići	130
6. ODLUKA o nekategorisanim cestama	132
7. ODLUKA o određivanju značaja djelatnosti prilikom dodjele neizgrađenog gradskog građevinskog zemljišta u svrhu izgradnje objekata za obavljanje djelatnosti ličnim radom, sredstvima u svojini građana, kao i u svrhu izgradnje poslovnih i stambeno-poslovnih objekata	144
8. RJEŠENJE o utvrđivanju općeg interesa za dogradnju vodovoda «Klek-Stavci»	146
9. RJEŠENJE o dodjeli neizgrađenog gradskog građevinskog zemljišta na korišćenje radi građenja neposrednom pogodbom.....	148
10. RJEŠENJE o razrješenju i imenovanju predsjednika Upravnog odbora Javnog preduzeća «Veterinarska stanica» Zavidovići	150